

午 31

664

婦學



光緒乙未春刊

婦科

余恩鴻署檢



婦學序

易著家人之義詩首二南之教自來家道興廢半由內助非
小故也小雅斯干云無非無儀唯酒食是議無父母詒雅言
簡而明後世推衍其義詞雖加詳要不出此數言之理班氏
女誡七篇亦爲近古近人知以女誡教女者十不得一而間
里村塾各以鄉俗里語臆撰成書持以教人意在使人易曉
亦無可訾然鄙倍之言殊不雅馴稍知文義者棄而不顧何
其視女子太卑也辛卯夏日閒取諸經及漢魏以來古書有
涉婦學者節錄要語意主簡古無取汎濫錄列女傳諸頌者
便童蒙誦讀也光緒二十一年二月海甯錢保塘序

婦學目錄

儀禮

大戴禮記

禮記

左傳

穀梁傳

國語

孟子

賈誼新書

列女傳

白虎通義



班氏女誡

漢魏晉箴誡

顏氏家訓



南京中医药大学图书馆版权所有

婦學

海甯錢保塘編

儀禮

士昏禮記 父送女命之曰戒之敬之夙夜毋違命母施衿
結帨曰勉之敬之夙夜無違宮事庶母及門內施鞶申之以
父母之命命之曰敬恭聽宗爾父母之言夙夜無愆視諸衿
鞶

大戴禮記

本命 女者如也子者孳也女子者言如男子之教而長其
義理者也故謂之婦人婦人伏於人也是故無專制之義有
三從之道在家從父適人從夫夫死從子無所敢自遂也故
令不出閨門事在饋食之間而已矣是故女及日乎閨門之

內不百里而犇喪事無獨爲行無獨成之道參知而後動可
驗而後言宵夜行燭宮事必量六畜蕃于宮中謂之信之所
以正婦德也女有五不取逆家子不取亂家子不取世有刑
人不取世有惡疾不取喪婦長子不取逆家子者爲其逆德
也亂家子者爲其亂人倫也世有刑人者爲其棄於人也世
有惡疾者爲其棄於天也喪婦長子者爲其無所受命也婦
有七去不順父母去無子去淫去妒去有惡疾去多言去竊
盜去不順父母去爲其逆德也無子爲其絕世也淫爲其亂
族也妒爲其亂家也有惡疾爲其不可與共粢盛也口多言
爲其離親也盜竊爲其反義也婦有三不去有所取無所歸
不去與更三年喪不去前貧賤後富貴不去

禮記

曲禮

男女不雜坐不同櫨枷不同巾櫛不親授嫂叔不通

問諸母不漱裳外言不入於梱內言不出於梱女子許嫁纓

非有大故不入其門姑姊妹女子子已嫁而反兄弟弗與同

席而坐弗與同器而食婦人之摯棋棊脯脩棗栗

郊特牲信事人也信婦德也壹與之齊終身不改故夫死

不嫁婦人從人者也幼從父兄嫁從夫夫死從子共牢

而食同尊卑也故婦人無爵從夫之爵坐以夫之齒

內則婦事舅姑如事父母雞初鳴咸盥漱櫛縱笄總衣紳

左佩紛悅刀礪小觶金燧右佩箴管線續施繫表大觶木燧

衿纓綦屨以適父母舅姑之所及所下氣怡聲問衣燠寒疾

痛苛癢而敬抑搔之出入則或先或後而敬扶持之進盥少者奉槃長者奉水請沃盥盥卒授巾問所欲而敬進之柔色以溫之父母舅姑必嘗之而后退男女未冠笄者雞初鳴咸盥漱櫛縱拂髦總角衿纓皆佩容臭昧爽而朝問何食飲矣若已食則退若未食則佐長者視具在父母舅姑之所有命之應唯敬對進退周旋愼齊男不言內女不言外非祭非喪不相授器其相授則女受以筐其無筐則皆坐奠之而后取之外內不共井不共湑浴不通寢席不通乞假男女不通衣裳內言不出外言不入男子入內不嘯不指夜行以燭無燭則止女子出門必擁蔽其面夜行以燭無燭則止道路男子由右女子由左子婦孝者敬者父母舅姑之命勿逆勿

怠若飲食之雖不耆必嘗而待加之衣服雖不欲必服而待加之事人代之已雖弗欲姑與之而姑使之而後復之子婦有勤勞之事雖甚愛之姑縱之而甯數休之子婦未孝未敬勿庸疾怨姑教之若不可教而后怒之不可怒子放婦出而不表禮焉 冢婦所祭祀賓客每事必請於姑介婦請於冢婦舅姑使冢婦毋怠不友無禮於介婦舅姑若使介婦毋敢敵耦於冢婦不敢竝行不敢竝命不敢竝坐凡婦不命適私室不敢退婦將有事大小必請於舅姑子婦無私貨無私畜無私器不敢私假不敢私與婦或賜之飲食衣服布帛佩帨茝蘭則受而獻諸舅姑舅姑受之則喜如新受賜若反賜之則辭不得命如更受賜藏以待乏婦若有私親兄弟將與之

則必復請其故賜而后與之 禮始於謹夫婦爲宮室辨外
內男子居外女子居內深宮固門閨寺守之男不入女不出
男女不同櫛枷不敢縣於夫之樞櫛不敢藏於夫之篋笥不
敢共漚浴夫不在斂枕篋簟席褥器而藏之 女子十年不
出姆教婉婉聽從執麻枲治絲繭織紵組紃學女事以共衣
服觀於祭祀納酒漿籩豆菹醢禮相助奠十有五年而笄二
十而嫁有故二十三年而嫁聘則爲妻奔則爲妾凡女拜尙
右手

昏義 成婦禮明婦順又申之以著代所以重責婦順焉也
婦順者順於舅姑和於室人而后當於夫以成絲麻布帛之
事以審守委積蓋藏是故婦順備而后內和理內和理而后

家可長久也故聖王重之是以古者婦人先嫁三月祖廟未
毀教于公宮祖廟既毀教于宗室教以婦德婦言婦容婦功
教成祭之牲用魚芼之以蘋藻所以成婦順也

左傳

申繻曰女有家男有室無相瀆也謂之有禮易此必敗
年

御孫曰女贄不過榛栗棗脩以告虔也

莊公二十四年

婦人送迎不出門見兄弟不踰闕

僖公二十二年

富辰曰女德無極婦怨無終

僖公二十四年

女待人婦義事也

襄公三十年

晏子曰夫和而義婦柔而正姑慈而從婦聽而婉禮之善物

也 昭公二十六年

季芊曰所以爲女子遠丈夫也 定公六年

穀梁傳

禮婦人謂嫁曰歸反曰來歸從人者也婦人在家制於父既
嫁制於夫夫死從長子婦人不專行必有從也 隱公二年
首語亦見公

禮送女父不下堂母不出祭門諸母兄弟不出闕門父戒之
曰謹慎從爾舅之言母戒之曰謹慎從爾姑之言諸母般申
之曰謹慎從爾父母之言 桓公三年

婦人既嫁不踰竟婦人不言會 莊公二年

婦人之贅棗栗鍛脩 莊公二十四年

女許嫁笄而字之死則以成人之喪治之

傳公九年亦見公羊

女子十五而許嫁二十而嫁

文公十二年

婦人之義傳母不在宵不下堂保母不在宵不下堂


襄公二十一年

公羊不言保母

國語

子夏曰商聞之曰古之嫁者不及舅姑謂之不幸夫婦學於舅姑者也

公父文伯母曰王后親織元統公侯之夫人加之以紼緹卿之內子爲大帶命婦成祭服列士之妻加之以朝服自庶士以下皆衣其夫社而賦事烝而獻功男女效績愆則有辟古之制也



孟子

女子之嫁也母命之戒之曰往之女家必敬必戒無違夫子以順爲正者妾婦之道也 男女授受不親禮也

賈誼新書

周妃后妊成王於身立而不跛坐而不差笑而不諠獨處不倨雖怒不罵胎教之謂也

列女傳

母儀傳 惟若母儀賢聖有智行爲儀表言則中義胎養子孫以漸教化旣成以德致其功業姑母察此不可不法

有虞二妃頌 元始二妃帝堯之女嬪列有虞承舜於下以尊事卑終能勞苦瞽叟和甯卒享福祐



棄母姜嫄頌 棄母姜嫄清靜專一履跡而孕懼棄於野鳥

獸覆翼乃復收恤卒爲帝佐母道旣畢

契母簡狄頌 契母簡狄敦仁勵翼吞卵產子遂自脩飾教

以事理推恩有德契爲帝輔蓋母有力

啟母塗山頌 啟母塗山維配帝禹辛壬癸甲禹往敷土啟

呱呱泣母獨論序教訓以善卒繼其父

湯妃有娀頌 湯妃有娀質行聰明媵從伊尹自夏適殷勤

慈治中九嬪有行化訓內外亦無愆殃

周室三母頌 周室三母大姜任姒文武之興蓋由斯起大

姒最賢號曰文母三姑之德亦甚大矣

衛姑定姜頌 衛姑定姜送婦作詩恩愛慈惠泣而望之數

諫獻公得其罪尤聰明遠識麗於文辭

齊女傅母頌

齊女傅母防女未然稱列先祖莫不尊榮作

詩明指使無辱先莊姜姆妹卒能脩身

魯季敬姜頌

文伯之母號曰敬姜通達知禮德行光明匡

子過失教以法理仲尼賢焉列爲慈母

楚子發母頌

子發之母刺子驕泰將軍稻梁士卒菽粒責

以無禮不得人力君子嘉焉編於母德

鄒孟軻母頌

孟子之母教化列分處子擇藝使從大倫子

學不進斷機示焉子遂成德爲當世冠

魯之母師頌

九子之母誠知禮經謁歸還反不揜人情德

行旣備卒蒙其榮魯君賢之號以尊名



YANKIN UNIVERSITY OF CHINESE MEDICINE
1961
中醫藥大學圖書館版